



Broj: 11-19-11-2-2129-16/26
Datum: 28.09.2026. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj 81/14), čl. 26. i 70. stav (1) i (3) Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje pregovaračkih i ograničenih postupaka nabavki za 2026. godinu, direktor Federalne uprave policije, donosi:

**ODLUKU
O IZBORU NAJPOVOLJNIJEG PONUĐAČA ZA NABAVKU ORUŽJA I OPREME–
LOT16**

I

Ovom Odlukom vrši se izbor najpovoljnijeg ponuđača u postupku javne nabavke oružja i opreme - LOT 16 – Nabavka pištolja sa refleksnim nišanom i to: **KM Trade d.o.o. Visoko** sa ukupnom ponuđenom cijenom od **27.600,00 KM bez PDV-a, odnosno 32.292,00 KM sa PDV-om.**

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 9. stav (2) i (3) Pravilnika o postupku dodjele ugovora u oblasti odbrane i sigurnosti („Službeni glasnik BiH“, broj: 60/15) u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslati. Dokazi koji se zahtijevaju moraju biti originali ili ovjerene kopije.

III

Ugovorni organ će po isteku roka za izjavljivanje žalbe, odnosno nakon okončanja eventualnog žalbenog postupka, sa izabranim ponuđačem zaključiti ugovor kojim će regulisati međusobna prava i obaveze vezane za predmetnu nabavku u skladu sa odredbama Zakona o javnim nabavkama.

IV

Ova odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke.

V

Ova Odluka objavit će se na web stranici Federalne uprave policije www.fup.gov.ba, u skladu sa članom 70. stav (6) Zakona o javnim nabavkama.

VI

Za izvršenje Odluke zadužuje se Sektor za finansije i javne nabavke.

Obrazloženje

Na osnovu Odluke o pokretanju postupka javne nabavke broj: 11-19-11-2-2129/26 od 13.05.2026. godine i Obavještenja o nabavci broj: 1412-2-1-119-3-129/26 od 18.05.2026. godine objavljenog u Službenom glasniku BiH" br. 36/26, dana 22.05.2026. godine, Komisija ugovornog organa, imenovana Rješenjem, broj: 11-11/4-30-2-430, od 23.03.2026. godine i rješenjem broj 11-11/4-30-2-430-1/26 od 30.07.2026.godine (u daljem tekstu: **Komisija**), provela je ograničeni postupak javne nabavke oružja i opreme (LOT1, LOT2, LOT3, LOT4, LOT5, LOT6, LOT7, LOT8, LOT9, LOT10 LOT11, LOT12, LOT13, LOT14, LOT15, LOT 16 i LOT 17)

Dana 29.7.2026. godine na portalu javnih nabavki objavljen je poziv za dostavljanje ponuda (II faza).

Komisija je u provedenom postupku konstatovala da su tendersku dokumentaciju za II fazu postupka nabavke preuzeli kvalifikovani ponuđači:

- Danial S d.o.o. Tešanj (LOT1, LOT2, LOT3, LOT4, LOT5, LOT6, LOT7, LOT8, LOT10 LOT11, LOT12, LOT13, LOT14, LOT15, LOT 16)
- KM Trade d.o.o. Visoko (LOT1, LOT2, LOT3, LOT4, LOT5, LOT6, LOT7, LOT8, LOT9, LOT10, LOT11, LOT12, LOT13, LOT14, LOT15, LOT 16 i LOT 17)
- SHOT d.o.o. Zenica (LOT1, LOT2, LOT3, LOT4, LOT6, LOT8, LOT9, LOT10, LOT12, LOT13, LOT14, LOT15, LOT 16 i LOT 17)

Prema Zapisniku sa otvaranja ponuda od 02.09.2026. godine, za aktivno učešće u postupku javne nabavke za LOT 16 – Nabavka pištolja sa refleksnim nišanom dostavljene su ponude ponuđača:

- Danial S d.o.o. Tešanj;
- KM Trade d.o.o. Visoko;

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 11-19-11-2-2129-2/26 od 28.09.2026. godine, kojim je utvrdila:

da ponuda ponuđača **KM Trade d.o.o. Visoko br. 31/08/26/16 od 31.08.2026. godine za LOT 16**, sa ukupnom cijenom ponude u iznosu od 27.600,00 KM bez PDV-a, odnosno 32.292,00 KM sa PDV-om sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve ugovornog organa, te je ista ocijenjena prihvatljivom.

Da ponuđač Danial S d.o.o. Tešanj u ponudi broj: IP/563/26 od 24.08.2026. godine, odnosno „Obrascu za cijenu ponude - Obrazac prilog 3“, na stranici broj 10 ponude, na za to predviđenom mjestu u rubrici „Proizvođač i model“ nije naveo proizvođača i model ponuđene robe, dok u rubrici „Datum i ponuda br.“ nije upisao broj i datum ponude, iako je tačkom 3.5. tenderske dokumentacije, koja se odnosi na „Obrazac za cijenu ponude iz Obrasca prilog 3“, izričito propisano da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu.

Tenderskom dokumentacijom je izričito propisano:

„Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da

ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena."

Pored navedenog, Komisija je uvidom u dokumentaciju ponude i dostavljenu tehničku specifikaciju utvrdila da ponuđena roba, odnosno ponuđeni pištolj, ne odgovara svim tehničkim zahtjevima definisanim tenderskom dokumentacijom. Naime, uvidom u dokument „Tehnička specifikacija“ utvrđeno je da je ponuđač ponudio pištolj čije se pojedine tehničke karakteristike razlikuju od karakteristika koje je zahtijevao ugovorni organ, a što je detaljno opisano u Zapisniku o pregledu i ocjeni ponuda broj: 11-19-11-2-2129-2/26 od 28.09.2026. godine. Komisija je utvrdila da predmetna ponuda nije sačinjena u skladu sa zahtjevima tenderske dokumentacije i to kako u pogledu obaveze pravilnog i potpunog popunjavanja Obrasca za cijenu ponude, tako i u pogledu usklađenosti ponuđenog proizvoda sa zahtijevanim tehničkim karakteristikama i dostavljanja propisane tehničke dokumentacije.

S tim u vezi Komisija je konstatovala da ponuda ponuđača Danial S d.o.o. Tešanj br. IP/563/26 od 24.08.2026. godine nije sačinjena u skladu sa zahtjevima tenderske dokumentacije te da se ima smatrati **neprihvatljivom**.

U predmetnom postupku javne nabavke za LOT 16 zaprimljena je dakle jedna prihvatljiva ponuda, zbog čega nisu bili ispunjeni uslovi za provođenje e-aukcije. Naime, članom 4. stav (2) Pravilnika o uslovima i načinu korištenja e-aukcije ("Službeni glasnik BiH", broj 80/23) propisano je da se e-aukcija ne zakazuje u slučaju prijema jedne prihvatljive ponude.

Obzirom da ponuda ponuđača KM Trade d.o.o. Visoko sa ukupnom ponuđenom cijenom od 27.600,00 KM bez PDV-a, odnosno 32.292,00 KM sa PDV-om u potpunosti odgovara traženim zahtjevima ugovornog organa tj. da ovaj ponuđač ispunjava sve formalno-pravne, tehničke i ekonomske uslove, ugovorni organ prihvata preporuku Komisije datu Zapisnikom broj: 11-19-11-2-2129-2/26 od 28.09.2026. godine i shodno odredbama člana 70. stav (1) i (3) Zakona o javnim nabavkama, a u vezi sa članom 69. stav (1) tačka a) istog Zakona te odredbama člana 4. stav (2) Pravilnika o uslovima i načinu korištenja e-aukcije odabire ponuđača KM Trade d.o.o. Visoko, kao najpovoljnijeg u postupku javne nabavke oružja i opreme - LOT 16 – Nabavka pištolja sa refleksnim nišanom.

Cijeneći navedeno, donesena je Odluka kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama („Službeni glasnik BiH" broj: 39/14, 59/22 i 50/24).

DIREKTOR
GLAVNI GENERALNI INSPEKTOR POLICIJE

Igor Marić

Dostaviti:

- Učesnicima u postupku (putem Komisije)
- Sektoru za finansije i javne nabavke
- Kabinetu direktora uprave policije
- Komisiji
- a/a